

Uunga siunnersuut: Eqqissimatisarisneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaannik allanngortitsineq pillugu Inatsisartut inatsisaat nr. xx, xx. xxx 2018-imeersoq

(Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani illersuinermut aalajangersakkat sukannernerulersitat, illunik aserfallatsaaliineq iluarsaasarnerlu pillugit malittarisassani erseqissaaneq aamma kulturikkut kingornussat sumiiffinni kulturikkut oqaluttuarisaanermut tunngasut inissisimaffigisaanni ingerlatat sunniutaasa nalilorsorneqartarneri.)

§ 1

Eqqissimatisarisneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut inatsisaanni nr. 11, 19. maj 2010-meersumi imaattunik allannguteqartitsisoqassaaq:

1. § 5, imm. 1-imi, nutaatut ikkunneqassaaq *oqaaseqatigiit pingajuattut*:

”Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani inussuit tamarmik aamma inussuit pillugit nunap allanngutsaaliukkap iluaniittut oqaluttuat eqqissimatisitaapput, ukiut qassit pineqarneri apeqqutaatinnagit.”

2. § 5-imi imm. 4-tut ikkunneqassaaq:

” *Imm. 4.* Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani sumiiffinnilu immikkut killilerlugin aalajangiunneqarsimasuni, Naalakkersuisut malittarisassiorsinnaapput qanoq nutaanngitsiginissaannik piumasaqataasunik saneqqutsisinnaaneq imm. 1-imi pillugu, oqaaseqatigiinni siullerni aamma imm. 2-mi pineqartut pillugit.”

3. § 6 -imi ikkunneqassapput *imm. 3-tut nutaatut*:

” *Imm. 4.* Nunami allanngutsaaliukkami, Biosfære-qarfiusumi Kalaallit Nunaata Avannaani aamma Kangiani ingerlatsisoqassanngilaq suliniutnik, qanganitsat eriagisassat nunami imaaliallaannarlugit peerneqarsinnaanngitsut eqqaanni 100 meterinik ungasissusilik tikillugu.

Imm. 5. Sumiiffinnut immikkut killilerlugin aalajangiunneqarsimasuni Naalakkersuisut ersarinnerusunik malittarisassiorsinnaapput imm. 2-4-mi qanoq ungasissusissatut piumasaqataasunut tunngatillugu”

Imm. 4 taamaasilluni imm. 6-inngussaaq.

4. § 18, imm. 2 imatut oqaasertalerneqassaaq:

” *Imm. 2.* Illunik eqqissisimatitsineq immikkut pisussaaffinnik kinguneqassaaq, illut aserfallatsaolineqarnerannut aamma killilersuinernik sanaartorfigineqarsinnaanerannut atatillugu, tak. §§ 22 aamma 22 a.”

5. § 20, *imm. 2* imatut oqaasertalerneqassaaq:

“ *Imm. 2.* Naalakkersuisut aalajangiigunik eqqissisimatitsinissamik imaluunniit eqqissisimatinsinermik ingerlatsiinnarnissamik imaluunniit allannguinissamik, taava Naalakkersuisut § 22, imm. 1 aamma 22 a, imm. 2-mi aalajangersakkanik saneqqutsisinnaassapput.”

6. § 22, *imm. 1* aamma 2 imatut oqaasertalerneqassapput:

” Illunik eqqissisimatitaasunik piginnittut taanna isumannaatsumik pitsaassuseqartissavaat, eqqissisimatitaanera eqqarsaatigalugu. Nalinginnaasumik aserfallatsaaliineq pisassaaq atortussat atorneqareersimasut assingi, periaatsit aamma qalipaatit maannamutut ittut atorlugit.

Imm. 2. Nunatta Katersugaasiviata Allagaateqarfatalu tamatumunnga immikkut pissutissaqartillugu akuersissutigisinnaavaa atortussanik, periaatsinik aamma maannamut qalipaatit atorneqarsimasut assinginik atuinissamik saneqqutsisinnaaneq.”

7. § 22 -ip kingorna ikkunneqassaaq:

” **§ 22 a.** Sanaartornikkut suliassat tamarmik illut eqqissisimatitaasut pillugit Nunatta Katersugaasivianit Allagaateqarfianillu akuersissummiik piumasaqaateqarfipput, suliassat illup eqqissisimatitaasup ilaaniippata, aamma suliassat nalinginnaasumik aserfallatsaaliinerup avataaniippata. Nunatta Katersugaasivia Allagaateqarfatalu akuersissummut tunngatillugu atugassarititaasunik ilanngussisinnaavoq.

Imm. 2. Sanaartornikkut suliassat sanaartukkanik eqqissisimatitanillu immikkut ilisimasalinnit misilittagalinnillu suliarineqartassapput, ajornannngippallu illup sanaartugartaasa ilaaniik taarsiinani.

Imm. 3. Naalakkersuisut sanaartukkanik suliaqarneq pillugu erseqqinnerusunik maleruagassiussapput.”

8. § 24 -ip kingorna ikkunneqassaaq:

” **§ 24 a.** Sumiiffinni eqqissisimatitaasuni imaluunniit allatigut kulturikkut eragisassanik kulturikkut kingornussatut illersugaasuni, tak. § 24, imm. 1, ingerlatat kulturikkut kingornussanut annertuumik sunniuteqarsinnaasutut isigineqartut aatsaat aallartinneqarsinnaapput kulturikkut kingornussanut sunniutissaat nalilorsorneqareerpata, tamannalu pillugu nassuiaasiaq Naalakkersuisunit akuerineqareerpat.

Imm. 2. Pisussaaffik imm. 1 naapertorlugu atuuppoq nalunaartussaanermut piffissaliussamut, tak. § 25, imm. 3, aamma pisuni isumaliutigineqarpat kulturikkut eqqissimatisinissaq imaluunniit allatigut kulturikkut eriagisassanik kulturikkut kingornussatut illersuinermik aaqqissuussinissami, aamma pisuni immikkut akuersissuteqarnissamik siunnerfeqartumik suliaqartoqartillugu, tak. § 24, imm. 3, oqaaseqatigiit aappaat aamma § 24, imm. 4, oqaaseqatigiit aappaat. Pisuni taamaattuni taamaattoq pisussaaffik atuuttanngilaq ingerlatsinissamik kissaateqartoq misissueqqaarnissamut, ujarlernissamut imaluunnit aatsitassanik iluaquteqarnissamut akuersissummik tunineqareersimatillugit, kiisalu aamma erngup nukinga iluaqtigalugu nukissiorfiliornissamut tamatumunngalu atatillugu misissuinissanut atatillugu.

Imm. 3. Pineqartoq kissaateqartoq ingerlatassanik pilersitsisoqarnissaanik akisussaavoq nalilersuinermik suliaqarnissamut, nalunaarusiornissamut aamma taassuma Naalakkersuisunut nassiunneqarnissaanut.

Imm. 4. Naalakkersuisut ersarinnerusunik aalajangersagaliussapput kulturikkut kingornussanut sunniutaasartut nalilersorneqartarneri pillugit, kiisalu kulturikkut kingornussanut tunngatillugu nalunaarusiamik suliaqartarneq akuersissuteqartarnerlu pillugit, tamatumani aamma tunngaviusussanik nalilersusoqarnissaanik aalajangiiniarnermi, aamma paasissutissat nalilersuinermi katersorneqartartussat pillugit.”

9. § 29, imm. 2, oqaaseqatigiit siulleq imatut oqaasertalerneqassaaq:

”Kulturikkut kingornussanut siunnersusoqatigiit suliani eqqissimatisinissanut aamma suliani allatigut kulturikkut eriagisassanik illersoineq pillugu inassuteqaateqartassapput, aamma tusarniarneqartassapput § 22 a, imm. 1 naapertorlugu akuersissutinut tunngatillugu.”

10. § 32, imm. 1 imatut oqaasertalerneqassaaq:

“ Unioqqutitsinerit ukuninnga, § 6, imm. 1-4, § 7, imm. 4, § 9, imm. 2, § 11, imm. 2-4, § 16, oqaaseqatigiit siulliit, § 19, imm. 3, § 21, imm. 3, § 22, imm. 1, 22 a, imm. 1 aamma 2, § 24, imm. 3 aamma 4, § 24 a, imm. 1 aamma 2, § 25, imm. 3, § 27, imm. 2 aamma malittarisassat atugassaritaasullu ukuningga tunngavillit; § 3, imm. 3, § 5, imm. 3 aamma 4, § 6, imm. 5, § 18, imm. 3, § 19, imm. 4, § 22 a, imm. 3, § 24, imm. 5, aamma § 24 a, imm. 4. Kalaallit Nunaanni pinerluttulerinermik inatsit naapertorlugu akiliisussangortinnejarnermik kinguneqarsinnaapput”

§ 2

Inatsisartut inatsisaat una atortuulerpoq ulloq 1. januar 2019.

Imm. 2. Inatsisartut inatsisaat una § 1, nr. 7 aamma 8 atortuulissaq ulloq 1. juli 2019.

Namminersorlutik Oqartussat, ulloq xx. xxx 2018

Kim Kielsen